

LECTIO SEPTIMA

AUGUSTUS SAJÁT TETTEIRŐL

Senatus in ordinem suum me adlegit et imperium mihi dedit.

Qui parentem meum trucidaverunt, eos in exilium expuli et vici.

Bella terra et mari civilia externaque toto in orbe terrarum saepe gessi, victorque omnibus ...
peperci.

Externas gentes ... conservare quam excidere malui.

Bis ovans triumphavi, tres egi curules triumphos.

Curiam templumque Apollinis in Palatio cum porticibus feci.

Capitolium et Pompeium theatrum utrumque opus impensa grandi reteci sine ulla inscriptione
nominis mei. Forum Iulium et basilicam ... perfecit.

Classis mea per Oceanum ab ostio Rheni ad solis orientis regionem usque ad fines
Cimbrorum navigavit, quo neque terra neque mari quisquam Romanus ante id
tempus adit.

Pannoniorum gentes, quas ante me principem populi Romani exercitus nunquam adit, imperio
populi Romani subieci, protulique fines Illyrici ad ripam fluminis Danuvii.